



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCII. ad annum CCCCXXX.

Parisiis, 1644

VII. Quod surreptum fuerit apostolicae sedi, & suam in melius sententiam
commutarit, quando damnationem Photini rescidit.

urn:nbn:de:hbz:466:1-14918

48 INNOCENTII PAPÆ I.
quod de his nulla fuerat regulari ratione concessum.

VI.

1. quæst. 7.
Quoties a
populis.

Peruideat ergo dilectio vestra, haec tenus talia transfe, & aduertite, quod (vt dicitis) necessitas imperauit in pace iam ecclesiæ constitutas, non posse præsumere: sed vt sæpe accidit, quoties a populis aut a turba peccatur, quia in omnes propter multitudinem non potest vindicari, inultum solet transire, priora dimittenda dico Dei iudicio, & de reliquo maxima solicitudine præcauendum.

VII.

33. q. 9. ve-
niā nunc
ad maxi-
mum.

Veniam nunc ad maximum quasi quoddam thema Photinum, & quod mihi anxium est ac difficillimum, maiorum meorum reuoluam sententias. Fuerat de illo quoquo pacto (vt etiam ipsi commemorasti) aliquid utique grauius constitutum. Verum quoniam id per rumorem falsum, vt asseritis, subreptum huic sedi & elicitum per insidias demonstratis, quia res ad salutem rediit, veniam nos hanc intantum, vobis annitentibus, post condemnationem more apostolico subrogamus, tantisque vestris assertionibus, vobisque tam bonis, tam caris non dare consensum, omnibus rebus duris durius arbitramur. Pro vestra ergo approbatione, fratres carissimi, & sententia ac postulatione, episcopum Photinum habetote licitum ita constituere, vt deprecamini, & nostram in melius conuersam sententiam, labore vel testimonio vestro, compotes voti suscipite, atque Eustathium, a me særissime comprobatum, nolite expectare, vt diaconii gratia expolietur. Solicitos enim vos pro salute, libenter audio: contra caput etiam si faciendum sit, non libenter admitto. Cui manum porrigitis, vobiscum porrigo: cui porrigo, mecum porrigite. Hæc enim ad Corinthios apostolica est declarata benignitas, vt in uno spiritu ductam ac reductam sententiam, boni semper indifferenter sequantur. Nam fateor, hæc me primum res bene habet erga Eustathium diaconum, quod nec contra fidem unquam quidquam locutus sit, nec loquentem admiserit, nec ad mortem crimen aliquod commisisse, vel iactatum unquam vel fictum de eo recognouerim. Et qui in his saluus est, si quo pacto conuersationes amabiles non habet,

haben-

habendus est, vt minus pro tempore dilectus, non vt ini-
micus existimatus, diabolo in perpetuum mancipandus.
Cognosco illum, inter illas simultates ac turbines con-
tra multorum studia, non dico qualia, diuersa sensisse, &
hinc cum res ac calamitates ipsæ emendatae sint, adhuc
Dizoniani & Cyriaci subdiaconorum non potuisse apud
vos commendationem reuiuiscere. Compescite, quæso,
ab illo prædictisque, quorumcumque videtis animos ac
non iustas æmulationes, vt ipse apud nos integer, apud
vos, cum suis reparatus, mereatur pacem, non fidam per-
uidens caritatem. Omnibus igitur vobis ac singulatim
occurrat caritas, & vinculis, quæ nullis modis a Christo
soluuntur, vobiscum pariter in perpetuum connexa, læ-
tetur in Domino. Datum Idibus Decembris, Constantio
viro clarissimo consule.

N O T A E.

^a *Epistola ad episcopos.*] Hæc est illa epistola quam Innocentius reddidit ad Synodum Macedoniae prouinciale, ex qua pro confirmatione rerum gestarum, missa est legatio ad Innocentium papam, per Vitalem archidiaconum. De qua Synodo infra.

^b *Nam cum Moses legislator clamet.*] His verbis non vult dicere Innocentius nos legibus Iudaicis teneri, sed vult argumentari a simili, vel potius a minori ad maius, hoc modo: Tenebantur sacerdotes veteris testamenti, non ducere vxorem viduam: ergo multo magis conuenit, vt in sacerdotibus nouæ legis ecclesia requirat, ne propter excellentiam sacerdotii Christiani, viduarum mariti fuerint. Bellarm. lib. 4. de Romanis pont. cap. 10.

^c *Bonofus ordinauerat.*] De Bonoso eiusque hæresi vide notas Concil. Capuani supra.

E P I S T O L A XXIII.

I N N O C E N T I I P A P A E I.

AD SYNODVM IN TOLETANA CIVITATE
constitutam.

- | | |
|--|---|
| 1. <i>De Hispanorum reprehensione,</i> | IV. <i>De commemoratione Niceni</i> |
| <i>qui inordinate constituunt clericos.</i> | <i>Concilii, in quo supradicta pro-</i> |
| II. <i>Vt causidici, vel curiales, vel se-</i> | <i>hibentur.</i> |
| <i>culari militia dediti, ad clerum</i> | V. <i>Quales eligendi sunt in ordine</i> |
| <i>non admittantur.</i> | <i>clericorum.</i> |
| III. <i>Vt quicumque tales ordinati</i> | VI. <i>De eo qui ante baptismum v-</i> |
| <i>fuerint, cum ordinatoribus suis</i> | <i>xorem habuit, & post baptismum</i> |
| <i>deponantur.</i> | <i>etiam, vt clericus non fiat.</i> |
- Concil. Tom. 4.*

G